

جدو جدو  
انت مخلوق ولا متطور

ريمون جوزيف

# جدو جدو انت مخلوق و لا متطور

تأليف: د. رمون جوزيف

الناشر: د. رمون جوزيف

الطبعة العربية الأولى: ٢٠١٨

رقم الإيداع: ٢٠١٨ / ١٣٢٧١

انتاج فني وطباعة: Sparkle Printing Solutions

٤ ش المسعودي من ش المقريزي. روكسي ١٢٨٢١١٧٨١٢

جميع الحقوق محفوظة، لا يسمح بإعادة إصدار هذا الكتاب، أو أي جزء منه، أو تخزينه في نطاق استعادة المعلومات أو نقلها، أو استنساخه بأي شكل من الأشكال، دون إذن خطي مسبق من الناشر.

## المقدمة

هذا الكتاب هو حوار باللغة العامية بين الطفل أنوش و جده آدم ، حوار تتعانق فيه الحمامات مع الحيات ، فهو يتسم بالأسلوب البسيط الذى يجذب الأطفال و فى ذات الوقت المحتوى العميق الذى يشبع الكبار ، فيه التلميح و التصريح ، التورية و التوعية ، الدعابة و الاجابة ، أتجول فيه بين الكتاب المقدس بعهديه القديم و الجديد و أتنقل فيه بين الماضى و الحاضر و المستقبل بعبارات رشيقة متعددة الابعاد تثرى خيال القارىء و توسع منظوره للقضايا المطروحة ، به بعض الحقائق العلمية الخفيفة التى تسند منظور الكاتب فى القضايا المطروحة و تؤكده .

يعالج الكتاب فى الأصل أربع قضايا أساسية :

- قضية الخلق و التطور و النزاع الدائر حولها

- قضية آدم و حواء بين التاريخية و الرمزية

- الجدل الثائر حول ما يسمى لاهوت المحبة الحر

- الجدل الثائر حول قضية الخطية الجدية و وراثتها

كما أنه يمس من بعيد بين السطور بعض الحقائق المسيحية بطريقه شيقه :

- قضية تعدد الزوجات من المنظور المسيحى

- قضية الفداء السنوى و الفداء الابدى

- مكانة المرأة فى نظر الله

صلاتى أن يلمس هذا الكتاب بكلماته قلب و عقل كثيرين ممن تأرجحت حياتهم بين القيل و القال، بين نظريات العلم و النص الدينى، و بين التحرر الليبرالى و التزمتم الفريسي.

## جدو جدوانت مخلون و لا متطور

- آنوش : جدو جدو هو انت فعلاً كنت فى الأصل قرد ؟

- آدم : إيه يا حبيبي الكلام الفارغ ده ؟ مين قالك الكلام ده ؟

- آنوش : قريته على انت يا جدو .

- آدم : إزاي يا بنى لقطت شبكة نت و الراوتر router فاصل من وقت م سقطنا أنا و جدتك حواء و إنطردنا من الجنه ، أصل الخطية يا بنى بتفصل الانسان عن ربنا .

- آنوش : أخذت هوت سبوت hotspot من حنوك ابن عمى قايين ، انت مش واخذ بالك يا جدو و لا إيه ؟ ده قايين ابنك متقدم جداً و موصل شبكة نت فى المدينة بتاعته .

- آدم : و إيه اللى وداك عند عمك قايين يا آنوش يا حبيبي ، انا مش قلتلك أكثر من مره متروحش هناك ؟

- آنوش : ليه يا جدو ؟ ليه مروحش هناك ؟ ده عمى و ولاده عايشين فى مدينة عصرية قوية جميلة ( مدينة حنوك ) و فيها عازفين ، يوبال و توبال و لاد و لاد عمى مدربينهم على العزف حلو قوى و بيعزفوا مقطوعات موسيقية مؤثره جداً ، أتحداك يا جدو إنك تسمعها و متتأثرش و تغير رأيك فيهم .

- آدم : آه آه ، ليه بس يا  
بنى قلبت على المواجه ،  
لا سمعتهم و لا عايز  
اسمعهم يا أنوش ، كفاية  
قوى لحد كده اللى عمك  
قايين عمله فينا .



- آنوش : عمل إيه  
عمى قايين يا جدو؟  
قولى .

- آدم : أنا و تيته حوا  
إنبسطنا قوى لما قايين ده إتولد ، كان أول فرحتنا ، و تيته قالت  
نسميه قايين لانى إقتنيت رجلاً من عند الرب .

- آنوش : كلام جميل يا جدو ، طيب فين المشكله ؟

- آدم : أصبر يا حبيبي م انا جايلك فى الكلام ، قايين ده كدرنا ،  
و خلى قلوبنا انا و جدتك مكلومه لما جانا الخبر إنه قام على عمك  
هابيل و قتله .

- آنوش : ايوه صح بابا شيث قالى إن أنا كان عندى عم اسمه  
هابيل بس مات .

- آدم : إتقتل مش مات،  
 هابيل ابني إتقتل مش  
 مات موت طبيعى كده  
 بس يمكن ابوك مرضيش  
 يقولك التفاصيل، بس  
 ربنا طيب و حنين و عوضنا  
 بأبوك شيث خيرة الرجال  
 و بيك انت كمان يا قرد يا  
 صغنن .



- آنوش : قلت إيه  
 يا جدو ؟ قلت قرد مش

كده؟ انا سمعت صح ؟ يبقى نرجع بقه لسؤالى الاول اللى انت هربت  
 منه يا جدو يا شقى هاهاها 😊😊 ، إنت فعلاً كنت قرد فى الأصل و  
 بعد كده اتطورت و إتعدلت و بقيت إنسان ؟ أصل انا قريرت كده على  
 انت بوسنات غريبه لكتّاب حتى أسماؤهم غريبه ( غير الأسماء  
 بتاعتنا دى ) بيقولوا عليك إن إنت كنت فى الأصل قرد ، سورى يا  
 جدو انا أسف متزعلش منى بس أنا عاوز أعرف الحقيقه أرجوك .

- آدم : لا كنت فى الأصل قرد و لا هكون فى يوم من الايام  
 قرد ، انا مخلوق على صورة الله و شبهه، أنا مخلوق من التراب  
 يا بنى، حتى لما سقطت و أخطأت و عصيت ربنا (أوعى تعمل زي  
 كده) ربنا حكم علىّ بالموت و قالى إنى هرجع للارض اللى أخذت



منها لأنى من تراب و الى تراب  
اعود ، مقليش لأنك فى الاصل  
قرد فألى قرد تعود، لو كان أصلى  
قرد يا بنى كان ربنا سخطنى قرد  
مش رجعى للتراب .. احنا البشر  
يا بنى مخلوقين من التراب ، أوعى  
تصدق الفلسفات و النظريات اللى  
بتقولك إن الله هو مصدر الخلق و  
التطور هى الآلية ، الله هو المصدر  
و هو ايضاً الآلية يا بنى ، هو قال  
فكان هو نفخ فصار ؛ التراب مادة

غير حية يا أنوش و مهما تطورت لا يمكن ان تصبح ماده حيه ، الله  
هو الذى خلق بقدرته و التى يستحيل تفسيرها علمياً ، الله هو الذى  
جعل الحياة تدب لأول مرة فى التراب ليصبح مادة حية ، الله هو  
الحياة و هو مصدر كل حياة ، هو الحى و هو سبب كل حى .

- أنوش : ربنا يديك طولة العمر يا جدو ، تراب ايه بس يا جدو !  
ده بيقولوا إنك جيت للنديا نتيجة انفجار كبيبير قوى قوى حصل ،  
حاجات كده اتفاعلت مع بعضها و انفجرت فطلعت انت بالصدفه  
البحثة ، صح الكلام ده يا جدو ؟ قولى ارجوك يا جدو انا مخى  
هينفجر من وقت م سمعت موضوع الانفجار ده .

- آدم : نفخة مش انفجار يا حبيبي .. يا ابني يا حبيبي  
الانفجارات بتموت الناس مش بتخلق الناس ، والتفاعلات الكيميائية  
يا حبيب قلبي تنشئ chemical substances اى مواد كيميائية  
جامدة لكنها لا يمكن ان تنشئ مادة حية وإن كانت المادة الحية بعد  
خلقها و نشأتها تحتاج الى بعض التفاعلات الكيميائية لكي تستمر  
حياة بصورة صحيحة؛ الصدفة العشوائية لا يمكن ان تنتج قوانين  
فيزيائية منطقية ، الصدفة العشوائية لا يمكن ان تنتج قوانين  
بيولوجية منطقية ، يا حبيبي اذا كانت القوانين الوضعية لها واضع  
فهل يُعقل ان تكون القوانين الفيزيائية والبيولوجية التي تحكم  
الأفلاك والكائنات بلا واضع ؟ بالطبع لا و الف لا .. يا ابني ، انا  
مجيتش للوجود نتيجة انفجار صغير كان أو كبير، أنا، الرب الاله  
الخالق العظيم جبلنى تراب من الارض و نفخ فى أنفى نسمة حياة  
فوجدت و صرت نفساً حية ☹️ ☹️

- آنوش : بتبكي ليه طيب يا جدو دلوقتى ؟!

- آدم : عشان انا سامع صوت الانفجارات من دلوقتى ، ولادى بنى  
آدم بيفجروا بعض و يولعوا فى بعض و انا السبب ف كل ده .

- آنوش : انت السبب ؟؟ ليه ؟؟ و انت مالك يا جدو ؟؟

- آدم : لانهم ورثوا الطبيعة العاصية المستقلة عن الله دى منى يا  
حبيبي ، انا اللي ورثتهم الخطية لأنهم كانوا فى صلبى لما سقطت  
فى الجنة ، يا بنى الكتاب المقدس لما هيقول فى رسالة بولس الرسول



الى أهل رومية (بإنسان واحد دخلت الخطيه الى العالم) هيكون بيقدننى انا ، لما هيقول (بمعصية الانسان الواحد جُعل الكثيرون خطاة) هيكون بيقدننى أنا ، أنا الانسان ده يا أنوش للأسف.


- أنوش : جدو متقولش على نفسك كده انت جميل .

- آدم : هى دى الحقيقة المره يا بنى ، مقدرش اخدك و اكذب عليك ، أنا بحبك .

- أنوش : بس قولى يا جدو يعنى إيه الناس ورثت الخطيه منك؟ ازاى يعنى مش فاهم ؟

- آدم : وراثه الخطية مش معناها يا بنى انهم ورثوا الفعل اللى انا عملته (العصيان اللى انا عملته لما أكلت من الشجرة) لكن معناها انهم ورثوا الطبيعة الساقطة العاصية المنفصلة المستقلة عن الله (طبيعتى بعد السقوط) ، ورثورا منى الطبيعة الفاسدة دى ، ورثوا الطبيعة مش ورثوا الفعل .

- أنوش : لخبطتنى يا جدو ، يعنى الكلام اللى بيقولوه فى الفيديوهات اللى على اليوتيوب ده كلام غلط ؟



- آدم : قالوا إية تانى يا أنوش؟ فى الاول قولى هو ايه اليوتيوب ده يا أنوش؟


- أنوش : ده موقع على النت يا جدو ، مش هقدر يا جدو افهمك كل حاجه للأسف ، دى تكنولوجيا حديثة و انت قديم قوى يا جدو 😊😊 ، إنت أول انسان جه للوجود ، انت اقدم منك مفيش يا جدو يا حبيبي

- أنوش : المهم متغيرش بقه الموضوع ، سيبك من اليوتيوب دلوقتى و ركز معايا شويه ، تعبتنى معاك يا دمدم هاهاها 😊😊 ، بيقولوا فى اليوتيوب إن الطفل بيتولد برىء صفحه بيضا مش وارث للخطية .

- آدم : الكلام ده غلط يا أنوش ، إوعى تصدق الكلام ده يا بنى، كانت فين البراعة دى يا بنى لما عمك قايين قام على عمك هابيل و قتله ؟ جاب منين عمك قايين الشراسه و قساوة القلب دى كلها؟ جاب منين فكرة القتل أصلاً ؟ اتعلمها فين و امتى و من مين؟ الانسان يا بنى بيتولد معجون بالخطية، صفحة سودة مشوهة، القلب فاسد و الذهن فاسد و الطبيعة فاسدة، واللى يقول غير كده يبقى مش عارف حتى نفسه، محتاج بس يبص بصبه بصدق جوه نفسه و يشوف أدإيه هو اسود و فاسد من جوه ؛ هحكلك قصه من المستقبل عشان اثبتلك كلامى يا بنى .. فى انجيل يوحنا الاصحاح التاسع الكتاب المقدس بيتكلم عن طفل صغير مولود من بطن امه أعمى .

- أنوش : من غير قطع كلامك يا جدو ، يعنى ايه أعمى ؟

- آدم : أعمى يعنى مش بيشوف ، عشان اوضحالك اكثر ، الطفل ده مش هيكون عنده عيون زيي و زيك كده ، عيب خلقى يعنى

- أنوش : يا حرام ، ليه كده يا جدو ؟ ايه السبب فى كده ؟ اكيد كان بيعمل حاجات وحشه ،  لا ازاي و انت بتقول انه اتولد كده يعنى لسه معملش حاجة لا حلوة و لا وحشة ، يبقى اكيد بقه ابوه و امه كانوا بيعملوا حاجات وحشه

- آدم : تلاميذ المسيح كانوا بيذكروا زيك كده بالزبط يا أنوش ، سألوا المسيح (أهدا اخطأ أم ابواه حتى ولد اعمى ؟) ، و المسيح رد عليهم رد عميق و جميل مليون دروس لأى حد عاوز يفهم ، قالهم (لا هذا اخطأ و لا أبواه لكن لتظهر اعمال الله فيه) ، يعنى ببساطه قالهم إن السبب فى إن الولد ده اتولد اعمى مش هو و لا ابوه و لا امه

- أنوش : حيرتني يا جدو ، طب ايه السبب ؟ معقول يعنى يكون ربنا هو السبب يعمل كده عشان عاوز يظهر مجده و اعماله ؟ ازاي الكلام ده يا جدو ؟ حرام يا جدو ، الواد ذنبه ايه ؟

- آدم : لا يا أنوش ، ربنا مش هو السبب مش هو اللى عمل كده ، أنا السبب انا اللى عملت كده ، بالخطيه اللى انا عملتها دخلت المرض و الموت للجنس الآدمى كله (إجتاز الموت الى جميع الناس) ، انا السبب مش ربنا ، لما المسيح قال للتلاميذ (لتظهر اعمال الله فيه ) كان

بيتكلم عن الهدف مش السبب aim not reason ، هوضالك اكثر عشان دى حته صعبة شوية ، يعنى انا السبب فى اللى حصل للولد ده ، الولد ده ورث الخطيه بكل نتائجها المميته منى أنا و ربنا عشان صالح و محب و دايمًا عنده خطط و اهداف صالحه بيعرف يطلع من اخطائنا اجمل الاختبارات و يحقق اعظم الاهداف

- آنوش : فهمتك يا جدو ، سورى يا جدو استحملنى عندى سؤال كمان أصل انت دماغك جامده و مقنع الصراحه ، بس انت عاقل كده من يومك من بداية وجودك و لا كنت الاول عبيط و مجنون ( آسف يعنى ) و نشأت من كائنات معتوهة و بعد كده اتطورت و عقلت ؟

- آدم : يا ابنى م انت لسه قايل بلسانك إن انا اول انسان و إن اقدم منى مفيش ، انت بتنسى و لا ايه يا واد يا آنوش ؟ بص يا بنى اللى انا متأكد منه ان قبلى مكنش فى حد لا معتوه و لا مجنون لان قبلى مكنش فى حد اصلا بس بعدى هيبقى فى ، هقولك بس على سبيل الذكر لا الحصر شويه منهم ، مجنون كورة الجدرين اللى هيكون عايش فى القبور و يقطع السلاسل الحديد و بيجرح نفسه بالحجاره .. و البنات اللى امها راحت تصرخ ليسوع و تقوله ارحمنى ابنتى مجنونة جدا .. عاوز اقولك يا بنى الشيطان شاطر وأنا وجدتك حوا اكثر اتنين عارفين أد ايه الشيطان شاطر بس متقلقش الله أشطر ، الله من المرأة اللى اسقطها الشيطان أتى بالمخلص اللى سحق الشيطان .

- أنوش : ايه يا جدو سرحت فى ايه ؟ روحت فين ؟

- ادم : يااااااه ياما كان نفسى اشوف المخلص ده يا أنوش ، بس انا بعصيانى جبت لنفسى الموت و حرمت نفسى ، مش هلهق اشوفه فى الجايه الاولى للاسف ، بس ع السحاب هشوفه و هكون معاه .. الشيطان قوى يا أنوش بس الله بكل تأكيد اقوى .

العقل دة بقا يا بنى قصة كبيرة، دة قدره و هبه من عند ربنا، اعطاها لى و لكل البشر لما نفخ فى انفى نسمة حياة ( فى الناس روح و نسمة التقدير تعقلهم )، و انا عاقل كده من يومى يا واد يا أنوش و اللى يقول على غير كده يبقى محتاج يعقل ، و لو مش مصدقنى اسأل جدتك حوا 😊😊

الله يا ابنى خلق ثلاث ممالك : المملكة النباتية و دى مملكة أحادية (جسم فقط) ، و المملكة الحيوانية و دى مملكة ثنائية (جسد و نفس) ، و مملكة الانسان و دى مملكة ثلاثية (جسد و نفس و روح) ، و لا يمكن لأى منهم ان تتطور و ترتقى لتنتقل الى المملكة الاعلى ،

الكائنات الحية قد تتحور و لكنها لا يمكن ان ترتقى و تتطور لتنتقل من مملكة لمملكة أخرى ، فمثلا الكائنات وحيدة الخلية قد تتحور لفصائل مختلفة لكنها تظل وحيدة الخلية لا يمكن ان تتطور لكائنات أعلى .

- آنوش : طيب معلش يا جدو عندى استفسار كمان ، كنت قريرت برضه على النت إن أى واحد بيعمل حاجات حلوة و كده بيكون مقبول عند ربنا و ربنا بيعتبره بار ، حاجه كده بيسموها لاهوت المحبه الحر

- آدم : آه يا مرارى من الكلام الغريب ده ، جيتلى على الجرح تانى يا بنى ، فكرتنى بعملتى القديمة انا و جدتك حوا ، بعد ما سقطنا اكتشفنا اننا عريانين فحاولنا نغطى و نسترووحنا ، قعدنا انا و جدتك نعمل لروحنا قميصين حلوين كده من ورق التين عشان نلبسهم نغطى بيهم نفسنا و نستر عرينا ، تعبنا قوى فى الخياطه و التصميم لانه مكنش فى مكن خياطه و لا تصميمات زى دلوقتى و لا كان معانا حد يساعدنا و يلضمنا الابره ، و بعد مخلصنا القميصين و لبسناهم سمعنا صوت الرب الاله ماشى فى الجنه اترعبنا و شعرنا اننا لسه عريانين و لا كأننا لابسين اى حاجه و وقتها فهمنا إن احنا تعبنا نفسنا على الفاضى .. مفيش حاجه سترتنا و بررتنا قدام ربنا يا آنوش يا بنى غير الاقمصه اللى من جلد اللى ربنا صنعها بنفسه و البسهالنا ، متتعيش نفسك و تعمل زينا ، اوعى تتخدع و تصدق الكلام بتاع لاهوت المحبة الحر و إلا هتفضل عريان علطول ، المسيح قال يا ابنى ليس أحد يأتى الى الآب الا بى .. ليس بأحد غيره (المسيح) الخلاص

- آنوش : طيب يا جدو عندك قميص جلد تانى لى زى اللى ربنا عملهولك و لا ربنا عمل قميصين بس ليك و لتيته ، شكله حلو قوى



- أنوش : متهزرش يا جدو ، ازای معمول عشانی مخصوص و انا  
مكنتش لسه جيت للدنيا لما ربنا عمل القميص ؟

- آدم : انا مش بهزر يا واد ، انا بتكلم جد ، ربنا لما عمل القميص  
ده ليك كان شايفك ، و عارفك باسمك و عارف كل تفاصيلك ، هو  
شايفك حتى قبل م تشرف و تيجى يا حبيبي (كما اختارنا فيه قبل  
تأسيس العالم) .

- حواء : مبروك يا روح قلب تيته ، مش هقولك تعيش و تدوبه ،  
لانه عمره م هيدوب ، ده قميص ابدى يا قلبى .

- أنوش : يعنى اية؟ يعنى مش هتجيبلى قميص تانى السنة  
الجاية يا تيته ؟ طب اشمعنه صمويل أمه بتعمله جبه صغيرة من  
سنة الى سنة و انا لا ؟ انا زعلان منك يا تيته .

- حوا : لو فهمت العز اللى انت فيه يا أنوش عمرك م هتزعل  
منى .. القميص الجلد ده إشاره للفداء الابدى يا حبيبي ، المسيح  
دخل بدم نفسه الى الاقداس فوجد لنا فداءً ابدياً .. اكمل الى  
الأبد المقدسين ، مش محتاجين كل سنة نقدم ذبايح ، خلاص الله  
قَبَلنا للابد فى ذبيحة المسيح .. اما الجبه بتاعة صموئيل دى إشاره  
الى الفداء السنوى ، كانت حنة امه تصنعها له من سنة الى سنة  
عند الصعود سنوياً للهيكل لتقديم الذبيحة السنويه ... اخدت  
بالك يا أنوش ان الاقمصة الجلدية صنعها الرب الاله لكن الجبه  
صنعها حنه أم صموئيل ، اخدت بالك ان الكتاب قال عن الجبه انها



صغيره لانها تمثل فقط فداءً سنوياً و لا تكفى للأبدية بطولها اما  
الاقمصه الجلد فلم يذكر الكتاب انها صغيره و لم يقل أنها من سنة  
الى سنة .. فهمت بقه يا روح قلب تيته ؟

- آنوش : شكراً يا جدو اجاباتك ريحت قلبى و عقلى ، شكراً يا  
تيته على القميص شكله حلو قوى فى ، بس الصراحة عمري م  
كنت هاخذ بالى من الملاحظات الصغيرة دى من غير م تقوليلى  
عشان انا صغير يا تيته ، خلاص انا مش زعلان منك يا تيته ، انتى  
حبيبتى يا تيته.

- آدم و حواء : الشكر للرب يا بنى، هو اللى صنع الاقمصة دى  
لينا و ليك و لكل البشر .

- آدم : عندى ليك ثلاث نصائح يا بنى، تحطتهم زى الحلقات  
فى ودانك

- آنوش : إتفضل يا جدو

- آدم : النصيحة الاولى، إبعد عن قايين و ولاده و مدينته ، قايين  
ده مش مجرد شخص، قايين ده مش مجرد ابنى ، قايين ده طريق،  
و الكتاب قال للناس اللى بتسلك فى الطريق بتاعه (ويل لهم لانهم  
سلكوا طريق قايين) ، قايين عصرى و افكاره عصرية و عنده فريق  
من العازفين المزميرين و المطبلين له و لأفكاره لكن لا تنسى انه فى  
جوهره قاتل ، لا تنخدع و تنبهر بأكاذيبه و لا تسلك فى طريقه حتى  
لا يقتلك.

- آدم : النصيحة الثانية ، البدايه شخص و ليس حدث ، شخص هو الذى ابدأ الحدث ، قال عن نفسه ( انا هو الاول و الآخر البدايه و النهاية )، محاولة تفسير البدايه بأى نظريه علميه عبث غير مُجدي لان البدايه هى شخص الله و لهذا لا يمكن تفسيرها علمياً، و اقول لك ايضا اطمئن و لا تضطرب من جهة النهايه ، لانه هو ايضا النهايه ، و لا يستطيع احد ان يكتب نهاية اخرى خلاف تلك التى كتبها الله لانه هو النهايه ، هو الطريق و الحق و الحياة ، هو النور ، هو القيامة ، هو الكل فى الكل ؛ نحن فقط أخذنا الوعد بمجيئه (نسل المرأة) دون ان نراه ، لكن يا بخت من حظى برؤياه

من هم فى البدايات نظيرنا تمنوا ان ينظروا النهايات و لم ينظروا ( انبياء كثيرون و ملوكا ارادوا ان ينظروا ما انتم تنظرون و لم ينظروا .. لو ١٠ ) ، و من هم على مشارف النهايات الآن يعبثون و يفكرون بحماقه و غلاظة قلب و ذهن فى البدايات ، لكن إثبت ؛ لا تتزعزع او تتزحزح سيبقى الله هو البدايه و النهايه رغم محاولاتهم العبثية المظلمة

- آدم : النصيحة الثالثه : انت بكره هتكبر و هتتجوز ، حب مراتك من قلبك ، متقفش لمراتك على الواحده و تتصيد لها الاخطاء لان انت كمان بتغلط و بتعمل نفس الاخطاء اللى مراتك بتعملها ، زمان حوا اكلت من الشجره اللى ربنا نهانا عن الاكل منها و ده كان غلط كبيير جداً ، بس عارف انا كمان عملت نفس الغلظه بالزبط و اكلت من نفس الشجره ، تخيل بقه

- آنوش : انا عارف يا جدو انك بتحب تيته قوی

- آدم : يااااااه مش بس بحبها يا آنوش ، ده انا بموت فيها ، حبی  
لیها كان نقطه ضعفی ، من حبی لیها مهانش علی اکسفا و اخدت  
من ايديها و اكلت من الشجرة و اللى كان كان ، عارف يا آنوش ستك  
حوا دی تبقى ايه بالنسبالی ؟

- آنوش : تبقى ايه يا جدو ؟ قول قول افتحلى قلبك يا جدو

- آدم : حوا دی هی الدنيا كلها عندي ، لما بتأمل في ای حد بشوفها  
فيه ، و لما بتأمل فيها بشوف فيها كل حد .. أصل هی أم الدنيا بجد  
... هی ام كل حی ؛ تعال اوريلك حاجه محدتش شافها قبل كده ،  
تعال حط ايدك على صدري كده هنا ، حسيت ايه ؟

- آنوش : ايه ده يا جدو انت عندك ضلعه مش موجوده

- آدم : مش موجوده بس مش مفقوده ، ربنا زمان اوقع علی سبات  
و نیمنی ، و اخد واحده من ضلوعی و بناها امراءه و احضرهالی ،  
الامراه دی بقه تبقى تيته حوا ، عشان كده حوا دی بالنسبالی مش  
بس الدنيا كلها لكن دی كمان حته منی ، اوعی عينك تزوغ و تبص  
هنا و هناك و تتجوز اكثر من واحده ، ربنا اخد منی ضلعه واحده  
بس و جابلی حوا واحده بس ، ربنا مخدش منی ضلعتين ثلاثه و  
مجلبیش حوتين ثلاثه ، اوعی تتعلم من لامك ابن ابن عمك قايين  
و تعمل زيه و تتجوز اتنين

- هقولك سر كمان يا أنوش ، المكان اللى انت حطيت ايدك عليه ده هو اكثر مكان تيته حوا بتحب تسند راسها عليه ، عارف ليه ؟

- أنوش : ليه يا جدو

- آدم : عشان ده مكانها و بيتها و وطنها ، اصلى الوطن يا بنى شخص مش ارض ، شخص بتسكن فيه مش ارض بتسكن عليها .

- أنوش : كلام جميل قوى يا جدو ، بس معلىش مزنوق فى سؤال ، ليه ربنا مخلقلكش ضلعه تانيه مكان الضلعه دى ؟ ليه ملاً مكانها لحم و سابك كده ناقص ضلع يا جدو .

- آدم : مين قالك إن أنا ناقص ضلع يا واد ، انا ضلوعى كامله ٢٤ بس منهم ٢٣ ضلعة فى قفصى الصدرى و ضلعة واحده ربنا اخدها منى و رجعتها لى تانى فى صورة حوا ، حوا دى يا أنوش منى و لى ، و لو كان ربنا ادانى ضلعة تانية مكان الضلعة اللى اخدها منى يبقى ده معناه إن حوا ضلعة زياده ( انا كامل من غيرها ) ضلعة ممكن الاستغناء عنها



ضلعة مش محسوبة ، لكن ربنا ملأ مكان الضلعة لحم عشان عاوز  
يوصل رساله مهمه قوى لكل الرجاله ، عايز يقول حوا مش ضلعة  
مفقودة ، حوا مش ضلعه زياده ، حوا لا يمكن الاستغناء عنها ، حوا  
مش كمالة عدد ، حوا محسوبه من ضمن الضلوع ، آدم مش محتاج  
يتعوض بضلعة تانية لأنه مفقدش الضلعة الأولى ، ربنا سابنى كده  
مخلى من الضلعه دى عشان عاوز يقول لا حواء بدون اخلاء

- آنوش : اشكرك يا جدو ، يا ريتك كنت موجود فى ٢٠١٨ ، كنت  
حليت مشاكل و معضلات كتير .

- آدم : أنا موجود فى اولادى ( بنى آدم ) بس فى ناس مش  
شايضى و لا شايضينهم لانهم بيقولوا إن أنا مجرد رمز .. أنا مش  
حقيقى 😊😊

- آنوش : طيب و انا ابقى ايه يا جدو لما انت تبقى رمز ؟

- آدم : إنت آنوش الحقيقى ابن آدم الحقيقى و اى كلام تانى غير  
كده بيقى كلام مش حقيقى

عزیزی القاریء ، لو نسیت کل حاجة قرأتها فی هذا الکتیب لا تنسی ان هناك فی الدولاب الالهی قمیص جلد مفصل علی مقاسك جاهز فی انتظارك ، فهل انت جاهز لتلبسه ؟

قد تسألنی کیف اكون جاهزا لألبسه ؟ اقول لك ببساطه لا یمكنك ان تلبس قمیصا و انت بالفعل ترتدی قمیصا .. عندما البس الرب الاله آدم و حواء اقمصة من جلد كانوا بالفعل عراة .. قال ادم لله سمعت صوتك فخشیت لانی عریان فإختبأت .. كان یشعر بالعرى و الاحتیاج للستر .. و بالمثل تماما ، لابد ان تتخلى عن قمیصك القدیم البالى الذی تختبىء داخله و تتوهم زیفاً انه من الممكن ان یسترك امام الله ، لابد ان تخلعه بإرادتك و قناعتك لکی تصبح جاهزا لان ترتدی الجدید .. لا بد انت تتخلى عن برك الذاتی و تقول مع بولس (لیس لى برى الذی من الناموس) و عندها تكون جاهزا لان تکتسى ببر المسیح بالایمان



